

四庫全書

史部

欽定四庫全書

欽定皇輿西域圖志卷三十四

貢賦

臣等謹按禹貢一書首載中邦成賦而九牧貢金  
鑄鼎島夷卉兼納至於西戎即叙則既賦其璆  
琳熊羆之屬復以織皮為貢初非長駕遠馭好勤  
遠物之謂蓋將以聯中外之勢通遐邇之情示王  
者一統無外意至深遠也迨武王通道西旅貢獒

作書必以四夷咸賓歸美於明王慎德周公相成  
王定九畿之貢在三千里外者謂之要服貢其貨  
物在九州外者謂之蕃國各以所貴寶為摯地則  
領於大司馬貢則輸於大行人而又有懷方氏掌  
來遠方之民致方貢遠物而送逆之其制益詳而  
厥田厥賦要不得與三壤之則同論若漢武初通  
西域偶得天馬作歌告廟論史者往往侈泰貽譏  
其後歷代史牒所書備列外蕃貢獻然其來也無

常期其使也無常員其物也無常品義取羈縻弗  
絕而已未聞行井牧之法爾宅爾田以疆理戎索  
豈非力不足以制之德不足以容之乎

國家販章之厚遠越隆古頃者準夷內訌回首濟惡  
我

皇上推取亂侮亡之義天罰冀行罪人斯得俘其酋帥  
拔彼名城洎乎徂維求定弓矢載橐即環顧元戎  
輸租請吏惟恐尺土不隸職方一夫不登齒版一

絲一粟不入內府即自外於

生成覆載者

聖天子猶重軫瘡痍蘇其困憊酌盈劑虛取足供軍屯  
之費而止視向者役屬厄魯特時悉索敝賦不啻  
挈陷穽而登衽席矣屬八紘於局閭撫異類如赤  
子周官九畿之制實未足以賅之又何有於漢唐  
以下哉爰舉新疆貢賦諸額著於篇西域舊俗強  
弱相役歷代以來征輸久為成例採撫往籍用資

旁攬因彙列焉志貢賦第十一

[illegible]

欽定四庫全書

欽定皇興西域圖志卷三十四目錄

貢賦

安西州

玉門縣

敦煌縣

哈密

鎮西府



宜禾縣

奇臺縣

迪化州

昌吉縣

綏來縣

阜康縣

庫爾喀喇烏蘇

塔爾巴噶台

伊犁

閩展

哈喇沙爾

庫車

沙雅爾

烏什

阿克蘇

賽喇木

拜

喀什噶爾

葉爾羌

和闐

欽定皇輿西域圖志卷三十四目錄

欽定四庫全書

欽定皇輿西域圖志卷三十四

貢賦

安西州

糧賦

額徵糧四千五百九十二石九斗七升二合五勺

本色小草四萬二千一百十八束七分四釐

草折糧二千二十四石七斗

田九萬九千七百九畝三分六釐二毫每畝科  
徵四升一合八勺七抄六撮又加耗糧每畝四  
合一勺八抄七撮六圭内科徵本色草地三萬  
二千二百十九畝三分六釐二毫每畝徵小草  
一束三分七毫二絲四忽九微七塵四渺三漠  
科徵草折糧地六萬七千四百九十畝每畝折  
徵糧三升

租稅

田房契稅儘徵儘解無定額餘稅無州屬玉門敦  
煌縣同

玉門縣

糧賦

額徵糧二千三百七石四斗五升九合三勺八撮  
五圭 本色大草一萬七千一百八十四束五分  
四釐 草折糧四百八十六石

田五萬九千二畝九分每畝科徵四升一合八

勺七抄六撮又加耗糧每畝四合一勺八抄七撮六圭內科徵本色草地三萬三千八百九十二畝九分每畝徵大草五分八釐三絲七忽四微六纖四塵科徵草折糧一萬六千二百畝每畝折徵糧三升

敦煌縣

糧賦

額徵糧五千五百五十五石二斗七升一勺六抄

本色大草六萬一千三百九束九分八釐一毫  
五絲八忽四微

田十二萬六百畝每畝科徵四升一合八勺七  
抄六撮又加耗糧每畝四合一勺八抄七撮六  
圭每畝科徵大草五分八毫三絲七忽四微六  
纖四塵

哈密

土貢



鷹五架羊角弓面十副綽塔爾布四疋及乾瓜小  
刀礪石之屬

按哈密除屯田地畝外俱係回人耕種無交納  
糧賦至菜園房租亦以商民租賃回人地基並  
無稅入其牲畜房產契稅因無土著民戶未設  
市集故徵收均未及云

鎮西府

宜禾縣

附郭

糧賦

額徵糧二千三百二十七石二斗一升五合九勺  
八抄六撮五圭 草折糧一千五百十五石六斗  
五升四合

田五萬五百二十一畝八分每畝科徵四升一  
合八勺七抄六撮又加耗糧每畝四合一勺八  
抄七撮六圭科徵草折糧每畝三升乾隆三十  
一年以招募安插民戶墾種地畝陞科四千五

百八十八畝五分後遞年增墾至三十九年如

今額

租稅

房地牲畜稅每價銀一兩額徵銀三分儘收儘解

無定額

民蓋鋪房每間每月額徵銀一錢儘收儘解無定

額

官蓋鋪房每間每月額徵銀一兩二錢次一兩儘

徵儘解無定額

奇臺縣

糧賦

額徵糧三千三百八十五石四斗四升四合二勺

八抄二撮 草折糧二千二百四石八斗五升

田七萬三千四百九十五畝每畝科徵四升一

合八勺七抄六撮又加耗糧每畝四合一勺八

抄七撮六圭科徵草折糧每畝三升乾隆三十

七年以招募安插民戶墾種地畝陞科六十畝  
後遞年增墾並木壘奇臺等處屯田遺地歸民  
墾種至四十年如今額

租稅

房地牲畜稅每價銀一兩額徵銀三分儘徵儘解  
無定額

迪化州

糧賦

額徵糧三千八百七十一石八斗八勺

田四萬二百十六畝每畝科徵細糧米麩八升  
折徵小麥九升六合三勺乾隆三十二年以招  
募安插民戶墾種地畝陞科六千六百八十六  
畝後遞年增墾至四十年如今額按迪化州居  
山北候較寒不宜粟穀故草束無徵而細糧亦  
以小麥折收云

租稅

州屬昌吉綏來  
阜康三縣並同

房地牲畜每價銀一兩額徵銀三分儘徵儘解無  
定額

民蓋鋪房每間每月額徵銀三錢次二錢又次一  
錢儘徵儘解無定額

官蓋鋪房每間每月額徵銀一兩六錢次一兩五  
錢又次一兩四錢儘徵儘解無定額

商民認墾菜園地每畝每年額徵銀一錢儘徵儘  
解無定額

土貢

野雞

昌吉縣

糧賦

額徵糧六千六石二斗三升一合

田六萬二千三百七十畝每畝科徵細糧米麵  
八升折徵小麥九升六合三勺乾隆三十二年  
以招募安插民戶墾種地畝陞科六千三百四



十四畝後遞年增墾至四十年如今額

額徵蘆草溝

昌吉縣屬

糧一千六百七十二石七斗三

升一合

田一萬七千三百七十畝每畝科徵細糧米麩  
八升折徵小麥九升六合三勺乾隆三十七年  
以安插民戶墾種地畝陞科二千六百四十畝  
後遞年增墾至四十年如今額

綏來縣

糧賦

額徵糧七百四石九斗一升六合

田七千三百二十畝每畝科徵細糧米麩八升  
折徵小麥九升六合三勺乾隆三十八年以安  
插民戶墾種地畝陞科三千九百六十畝後遞  
年增墾至四十年如今額

阜康縣

糧賦

額糧三千八百五十八石五斗九升七合二勺

田三萬九千九百四十四畝每畝科徵細糧米  
麩八升折徵小麥九升六合三勺乾隆三十四  
年以招募安插民戶墾種地畝陞科三千六十  
六畝後遞年增墾至四十年如今額

庫爾喀喇烏蘇

租稅

民蓋鋪房每間每月額徵銀一錢自乾隆三十年

始儘徵儘解無定額

商民認墾菜園地每畝每年額徵銀一錢自乾隆三十一年始儘徵儘解無定額

土貢

野雞

塔爾巴噶台

租稅

民蓋鋪房每間每月額徵銀七錢自乾隆三十一

年始儘徵儘解無定額

地基每段每月額徵銀二錢自乾隆三十一年始  
儘徵儘解無定額

商民認墾菜園地每畝每年額徵銀一錢自乾隆  
三十一年始儘徵儘解無定額

按庫爾喀喇烏蘇境專設屯田無他賦稅非商賈  
湊集之區也若塔爾巴噶台當準部北境與外  
藩接內地人民鮮至其地故有屯兵而無民賦

與庫爾喀喇烏蘇同

伊犁

糧賦

額徵糧三百五十一石二斗八升

田四千三百九十一畝每畝科徵細糧八升係  
安插民戶承種自乾隆三十三年始逐年增墾  
至三十九年如今額

額徵回戶糧九萬六千石

回人墾種地畝計戶納糧自乾隆二十五年始  
每戶每年徵糧十六石

額徵賦一百六兩五錢

田二千一百三十畝每畝額徵銀五分係入籍  
民戶承種官借牛隻籽種口糧自開墾之次年  
分作三年每畝帶徵借項銀五分還款後每畝  
止徵額銀五分自乾隆三十七年始遞年增墾  
至三十九年如今額

租稅

房地牲畜每價銀一兩額徵銀三分儘徵儘解無  
定額牙僧二十三名每名每年額徵銀六錢儘徵  
儘解無定額

官蓋鋪房每間每月額徵銀一兩儘徵儘解無定  
額

民蓋鋪房每間每月額徵銀三錢次二錢又次一  
錢儘徵儘解無定額



地基每間每月額徵銀二錢儘徵儘解無定額

民蓋住房每間每月額徵銀二錢儘徵儘解無定

額

商民認墾菜園每畝每年額徵銀一錢儘徵儘解

無定額

商民認墾禾地每畝每年額徵銀五分儘徵儘解

無定額

土貢

哈薩克馬黑獺皮野雞鹿尾

按準噶爾舊俗逐水草事畜牧不以耕種為業  
是以舊無田賦其刼服回部因徵稅入則回部  
有田而準部賦之耳在漢如匈奴之置僮僕都  
尉使領西域賦稅諸國在唐如統葉護之霸西  
域命吐屯以督賦入由來已久邇者南北兩部  
咸歸疆索我

皇上於生成一體之中立因地制宜之法始則移回部

之人民理準疆之滕畎嗣是農功日開賦役有  
經不惟山南習耒耜之勤即山北亦有口分之  
業不數年來蔚成都會地不愛寶尊親之慕無  
窮諸福之物畢至樂樂利利垂萬億年矣

開展

糧賦

額徵糧三千四百二十三石二斗

本屬舊設屯田地三萬四千二百三十二畝乾

隆二十六七年裁歸回部郡王額敏和卓公蘇  
賚滿所屬回戶承種每歲每畝額徵十分之一  
現無增減

租稅

商民認墾附郭菜園地每畝每年額徵銀三錢五  
分儘徵儘解無定額

商民認墾遠郊菜園地每畝每年額徵銀一錢儘  
徵儘解無定額

土貢

糧三千石

初土爾番回部郡王額敏和卓貢糧四千石

恩賞布五疋茶五封乾隆二十七年奉

旨恩免交糧一千石其布疋茶封從駐劄大臣之請停止賞給

葡萄二百四十斤及瓜乾紬布手巾佩刀諸物其附近羅布淖爾回戶歲貢水獺皮

哈喇沙爾

糧賦

額徵糧九百八十二石

哈喇沙爾所屬庫隴勒布古爾回戶每戶承種地二十六畝九分零額交糧一石六斗一升三合共額糧各七百石乾隆二十八年以回戶撥赴伊犁減存五百六十石四十年以折交紅銅減存糧四百九十一石共九百八十二石如今

額

雜賦

額徵紅銅九百五十斤

初定庫隴勒二百三十五斤布古爾四百七十斤乾隆四十年各增一百斤如今額

額徵硝四百二十八斤

租稅

民蓋鋪房每間每月額徵銀三錢儘徵儘解無定

額

商民認墾菜園地每畝每年額徵銀一錢六分儘

徵儘解無定額

庫車

糧賦

額徵糧二千三百五十五石八斗

原墾民田九百六十石籽種地畝徵歲八十分  
之一定額九百六十石舊存官地於入版圖後



一體歸民墾種者二百五十石籽種地畝徵歲  
八十分之五定額一千二百五十石共二千二  
百一十名嗣以回人成丁及派撥種地採銅遞  
年增減至乾隆四十一年如今額

雜賦

額徵紅銅七百二十九斤十兩

初乾隆二十六年徵八百十五斤二十七年按  
照各城回戶勻派共七百二十九斤十兩現無

增減

額徵火藥六百斤

初乾隆二十四年徵火藥八百斤四十年減二百斤如今額

額徵硫磺四百斤

初乾隆二十八年徵二百斤三十一年增一百斤四十年增一百斤如今額

額徵硝二百斤

初乾隆三十一年徵一百斤四十年增一百斤

如今額

租稅

民蓋鋪房每間每月額徵銀二錢次一錢儘徵儘

解無定額

沙雅爾

糧賦

額徵糧八百七十二石六斗

原墾民田五百六十五石籽種地畝徵歲入十分之一定額五百六十五石舊存官地於八版圖後一體歸民墾種者七十五石籽種地畝徵歲入十分之五定額三百七十五石共九百四十石嗣以回人成丁及派撥種地採銅遞年增減至三十六年如今額

雜賦

額徵紅銅三百五十八斤十兩五錢

初乾隆二十六年徵三百五十斤二十七年按  
戶勻派實徵三百五十八斤十兩五錢

額徵火藥三百斤

初乾隆二十四年徵四百斤四十年減一百斤  
如今額

額徵硫磺一百斤

初乾隆三十一年徵五十斤四十年增五十斤  
如今額

額徵硝一百斤

初乾隆三十一年徵五十斤四十年增五十斤

如今額

租稅

民蓋鋪房每間每月額徵銀二錢次一錢儘徵解

解無定額

烏什

糧賦

額徵糧二千一十石

原墾民田八萬四千畝徵歲八十分之一定額  
二千二百五十石舊存官地於八版圖後一體  
歸民墾種者徵歲八十分之五定額一百九十  
二石共二千四百四十二石嗣於乾隆三十年  
回戶不靖勦平後於賽喇木拜喀什噶爾諸處  
遷移回戶墾種地畝分別抽交糧石三十四年  
按戶勻徵三石至三十五年如今額

按乾隆二十六年初徵紅銅三千一百九十斤  
二十七年徵五千五百七十一斤至三十一年  
遷來賽喇木喀什噶爾諸城回戶止代阿克蘇  
交銅二百五十斤餘無徵額又初徵硝一百斤  
後遞增至一千一百斤三十一年後額除

租稅

民蓋鋪房每間每月額徵銀一錢次徵銀五分儘  
徵儘解無定額



商民認墾菜園地每畝每年額徵銀二錢儘徵儘解無定額

商稅

凡外番人在烏什貿易者三十分抽一其緞布皮張則二十分抽一本地商人往外番各部貿易者二十分抽一其緞布皮張則十分抽一若牲畜貨物不及抽分之數者馬一匹抽收五十普爾大牛一頭則二十五普爾小牛一頭半之

大羊一牽抽收十二普爾小羊一牽亦半之雜  
項物件視其值之貴賤折收騰格普爾遇有應  
貢物件即以充

貢

阿克蘇

糧賦

額徵糧三千九百四十五石二斗四升二合一勺

乾隆二十四年原墾民田一萬四千二百餘石

籽種地畝原額糧六千七百五十石舊存官地  
三百四十四畝一併歸民墾種徵歲入五分之  
一遞年增減至三十五年如今額

額賦普爾一千六百四十二騰格有奇

按百普爾為一騰格後凡以騰格計者做此

乾隆三十一年於額糧內折收現無增減

額徵布五百六十八疋

乾隆三十二年於額糧內折收三十五年增如

今額

雜賦

額徵紅銅四千六百六十七斤

乾隆二十五年徵七百斤二十六年徵四千二百

五十斤二十七年徵八千五百斤二十八年按

戶勻徵共四千六百六十七斤如今額

額徵硫磺四千二百斤

乾隆二十五年徵三百斤二十七年增三百斤

三十年增三百斤三十二年以應交硝斤改徵  
硫磺二百斤三十三年以應徵硝斤全改徵硫  
磺三千一百斤共如今額

按阿克蘇於乾隆二十五年後歲徵硝七百斤  
至三十三年遞增至三千一百斤全數折交硫  
磺額除

額徵鉛三百斤

乾隆二十五年徵三百斤現無增減

租稅

民蓋鋪房每間每月額徵銀一錢住房每間每月額徵銀五分儘徵儘解無定額

商稅每一兩額徵銀三分儘解無定額

土貢

梨二百

賽喇木

糧賦

額徵糧七百八十二石二斗二升八合一勺

乾隆二十四年原墾民田九百七十五石籽種  
地畝徵歲八十分之一定額九百七十五石遞  
年增減至三十一年如今額

額賦普爾一百三十四騰格九十四文

乾隆三十四年於額糧內折收如今額

雜賦

額徵紅銅三百八十三斤八兩五錢

乾隆二十六年徵三百五十斤二十七年徵七百斤二十八年按戶勻徵共三百八十三斤八兩五錢如令額

租稅

民蓋鋪房每間每月額徵銀一錢住房每間每月額徵銀五分儘徵儘解無定額

拜

糧賦



額徵糧三百六十四石二斗一升四合三勺

乾隆二十四年原墾民田九十七石五斗籽種  
地畝徵歲入十分之一定額九十七石五斗遞  
年增減至三十一年如今額

額賦普爾一百三十騰格四十文

乾隆三十一年於額糧內折收現無增減

雜賦

額徵紅銅三百七十斤十兩

乾隆二十六年徵三百四十斤二十七年徵六百八十斤二十八年按戶勻徵共三百七十斤十兩如今額

租稅

民蓋鋪房每間每月額徵銀一錢住房每間每月額徵銀五分儘徵儘解無定額

喀什噶爾

糧賦

額徵糧二萬五千一百九十三石五升三合一勺  
乾隆二十四年原墾民田二萬一千二百石籽  
種地畝徵歲八十分之一定額二萬一千二百  
石舊存官地於八版圖後一體歸民墾種者八  
百一石四斗有奇籽種地畝內兼一易地畝計  
徵歲八十分之五定額三千九百九十三石五  
升三合一勺共二萬五千一百九十三石五升  
三合一勺如今額

額賦二萬六千騰格

乾隆二十四年以五十普爾為一騰格二十六  
年錢價平以百普爾為一騰格實計二百六十  
萬普爾合為二萬六千騰格現無增減

雜賦

額徵紅花三千六百五十斤

乾隆二十五年徵三千六百五十斤現無增減

額徵棉花一萬四千六百三十斤

乾隆二十五年徵一萬四千六百三十斤現無

增減

額徵葡萄八百斤折收普爾錢八十騰格

租稅

民蓋鋪房每間每月額徵銀三錢次二錢又次一  
錢儘徵儘解無定額

商稅牲畜貨物按本處回民貿易及外部來此貿  
易者分別抽收詳見烏什條

土貢

黃金十兩痕都斯坦金絲緞二疋葡萄二百斤

葉爾羌

糧賦

額徵糧二萬一千三百七十一石七升

乾隆二十六年原墾民田除鹹沙高阜不能耕作外實計可耕一萬四千九百七十七石一斗籽種地畝定額一萬四千九百七十石一斗舊

存官地於八版圖後一體歸民墾種者除鹹沙  
田畝不能耕作外實計可耕一千二百八十三  
石六斗六升籽種田畝徵歲八十分之五定額  
六千四百十八石三斗共二萬一千三百八十  
八石四斗遞年增減至三十八年如今額

額賦普爾二萬五千一百五十騰格

乾隆二十四年徵二萬四千騰格二十六年以  
百普爾為一騰格計四百八十萬普爾為四萬

八千騰格遞年增減至三十年以百普爾為一  
騰格計得二萬五千一百五十騰格如今額

雜賦

額徵果園普爾錢一百騰格

額徵水磨麵九十二石七斗五升普爾錢十五騰  
格

額徵葡萄八百斤折收普爾錢八十騰格

租稅



民蓋鋪房每間每月額徵銀三錢次二錢又次一錢儘徵儘解無定額

商稅牲畜貨物按本處回民貿易及外部來此貿易者分別抽收詳見烏什條

土貢

黃金十兩葡萄二百斤及石榴蘋果木瓜石榴膏蘋果膏梨膏等又葉爾羌所屬赫色勒庫勒回民歲

貢黃金二十七兩七錢

御製葉爾羌驛貢石榴蘋果木瓜三種詩以紀事

庚辰

大宛天馬早歌徠果品惟三致自回張協金牙斯漏賦  
牂牁蒟醬此殊開詎曾燕趙移根往且共瓊瑤包貢來  
順德何須却食物兢兢敢詡版章恢

御製回部貢金至命為麟趾裏號以紀其事

庚辰

諸回城既悉內屬戎索益闕念非經以井牧則別部  
偏處久或強食滋患然屯開戍集而官司糈廩因之

若前代骨都戌已僕僕轉餉坐耗腹地物力者朕豈  
為之哉去歲將軍兆惠等以回民環籲定賦請加鑄  
天朝年號通寶於見行騰格錢以資輸納朕命檢校  
將來大臣官兵駐防歲給所需取足供支而止其視  
曩者噶爾丹策凌責入諸回部故額蓋已減十之五  
六矣今歲騰格已供彼處諸屯戌之用而貢金適至  
乃付冶工鑄麟趾裏蹠以誌緣起並系以詩昔漢武  
幸回中下詔言封岱時見西域金氣之祥因鑄黃金

為麟趾衷蹠其詳已不可考說者謂瑞麟五趾其形  
當如餅而五出若衷蹠正深圓而後世沿而范之者  
固衆無足深論然洼池玉河朕且不以得地為寶豈  
珍此纍纍鏐銑而匱之以示方來者良以固圉繕邊  
初不役費中土民生為至計否則禹貢三品屬之水  
衡可耳又何長言紬繹之為

肉好頌型騰格錢儲胥恰供戍新邊或殊疲弊中國耳  
並聽輸將三品焉西域早稱氣相感泰山虛詫瑞曾駢

政平遠服吾何有紀實聊因麟裏傳

按西域底平後一切善後事宜仰蒙

睿裁指訓如籌耕牧定徭賦鑄錢制度維新永垂法  
守至回部舊屬準噶爾時每歲責入無藝之征  
均予罷免

皇上眷念遺黎

渥恩淪浹鼓舞載塗宜殊俗之傾心効輸將而恐後是  
以貢果貢金頻聞驛致當與禹貢銀鏤橘柚同

觀而即事攄

懷動關中外民間生聚幹年之至計抑又非前代斤斤  
貴異物以侈遠略者所可比倫萬一已

和闐

糧賦

額徵糧一萬三千九百三十四石八斗

乾隆二十四年原墾民田除沙磧地段不能耕  
作外實可耕五萬四千一百三十九石籽種地

畝徵歲八十分之一定額一萬六百石舊存官  
官地於八版圖後一歸民墾種者除沙磧地段  
不能耕作外實可耕一萬三千六十二石有奇  
籽種地畝徵歲八十分之五定額二千一百八  
十三石六斗共一萬二千七百八十三石六斗  
遞年增減至三十二年如今額

額賦普爾八千一百十二騰格五十文

乾隆二十四年定額後遞有增減至三十二年

仍如原額

按和闐境處邊陲舊無商賈雜稅故未定額徵收

土貢

黃金八十兩

和闐所屬之玉隴哈什哈拉哈什兩河產玉駐劄大臣採取量其所得進

貢無定額



漢書西域傳匈奴西邊日逐王置僮僕都尉使領西域長居焉耆危須尉犂間賦稅諸國取富給焉其後日逐王將衆來降僮僕都尉由此罷

後漢書西域傳王莽貶易侯王西域復叛屬匈奴匈奴斂稅重刻諸國不堪命莎車王賢自稱大都護移書諸國悉服屬焉重求賦稅諸國悲懼以大宛貢稅減少自將諸國兵攻之

隋書西域傳鐵勒恒遣重臣在高昌國有商胡往

來者則稅之

唐書突厥傳統葉護霸西域諸國悉授以頡利發而命一吐屯兼統以督賦入回鶻傳回鶻臣於突厥突厥資其財力雄北荒處羅可汗攻脅鐵勒部哀責其財

此西北之納賦於所臣屬者

北史西域傳高昌賦稅則計田輸銀錢無者輸麻布龜茲賦稅准地徵租無田者則稅銀置女市收

男子鐵以入官

唐書西域傳點戛斯歲納貂鼠青鼠為賦

文獻通考突厥科稅雜畜刻木為數并一鏃箭蠟  
封印之以為信契

明史西域傳哈里

舊作哈烈  
今改正

市易皆征稅十二

此西域本國之賦稅

北史西域傳魏太武討平鄯善賦役其人比於郡

縣

唐書回鶻傳貢方物歲納貂皮為賦西域傳贊開  
元盛時稅西域商胡以供四鎮出北道者納賦輸

臺

元史地理志唐羈縻州今皆賦役其人比於內地  
此西域之納賦於中國者

後漢書西域傳和帝三年班超定西域五十餘國  
悉納質內屬于關順帝永建六年遣侍子詣關貢  
獻疏勒順帝陽嘉二年獻師子光武時車師前王

鄯善焉耆等十八國皆獻其珍寶

北史西域傳于闐獻珠象白玉黑貂裘名馬鹽枕等

隋書西域傳大業中高昌康國石國焉耆龜茲疏勒于闐俱貢方物

唐書西域傳骨利幹大酋侯斤因使者獻馬帝取其異者號十驥皆為美名曰騰霜白曰皎雪驄曰凝霜驄曰懸光驄曰決波驂曰飛霜驃曰發電赤

曰流金駮曰翔麟紫曰奔虹赤

杜環經行記劫國唐武德二年貢玻璃四百九十

枚大者如棗小者如酸棗

宋史外國傳建隆二年于闐國王聖天遣使貢圭

一以玉為柙玉枕一本國摩尼貢琉璃瓶二胡錦

一段開寶二年遣使直來山來貢且言本國有玉

一塊凡二百三十七斤願以上進乞取之僧善名

至貢阿魏子因令還取玉

文獻通考高昌宋乾德三年獻佛牙琉璃器琥珀  
瑣于闐梁武帝時獻方物及琉璃罌刻玉佛唐開  
元時獻馬駝獬漢乾祐元年遣使貢珪一以玉為  
柙天聖三年遣使貢玉鞍轡白玉帶胡錦獨峰駝  
乳香硃砂熙寧以來遠不踰一二歲近則歲再至  
所貢珠玉珊瑚翡翠象牙乳香木香琥珀花藍布  
硃砂龍鹽胡錦玉鞍轡馬脰膺金星石水銀安  
息香雞舌香其來益多回紇宋乾德二年遣使貢

白玉團琥珀四十斤犛牛尾貂鼠等又獻佛牙琉璃器琥珀玳瑁

明史西域傳

巴什伯里

舊作別失八里今改正

洪武中貢馬

及海青永樂中貢玉璞名馬及文豹于闐永樂中獻璞玉及馬

此西域之貢方物於中國者

按西域貢賦之制當以周書西旅底貢厥獒始自時厥後黑齒貢白鹿白馬義渠以茲白渠搜



以鼯犬規矩以麟西申以鳳鳥方楊以皇馬康  
民以桴鼓獨鹿以叩叩距虛禹氏以駒駼大夏  
以茲白牛犬戎以文馬正西崑崙狗國以丹青  
白旄紕罽江歷角神龜為獻載之周書王會解  
者甚詳惟方隅里數不著與今準回諸部離合  
之間難以印證而文與禮經未協不免徒事鋪  
張茲舉漢唐以後與今西域可確指者隨地採  
錄用茲審訂特其地於當時未入版圖即矯語

翰將難云歲入此惟

聖朝恢絕域為疆理所以度越千古也至若史書所載  
遣使求得請婚納幣與夫陽托貢獻之名陰行  
互市之計者更無足道故均置弗錄云



欽定皇輿西域圖志卷三十四

# 欽定四庫全書

史部

欽定皇輿西域圖志卷三十五  
七

詳校官通政使<sub>臣</sub>夢吉

檢討<sub>臣</sub>德生覆勘

總校官候補中允<sub>臣</sub>王燕緒

校對官中書<sub>臣</sub>吳樹萱

謄錄監生<sub>臣</sub>褚兆麟

欽定四庫全書

欽定皇輿西域圖志卷三十五

錢法

臣等謹按西域錢法載諸史傳者屬實安息大秦金銀以為質人馬以為文畧見彼地鑄錢之概非能以中土圓法推而行之九服之外也漢唐以來力征經營郵傳往來資斧所攜暨妻主輸繒所致有由中國流通其地者是以開元景德錢迄今猶存

回部而即于彼地依山採銅專官督鑄則古未前  
聞宋熙寧中削除前禁沿邊軍州多闡出境外每  
貫例收稅錢元祐中嚴出境首從流徙編配之法  
而侍郎蘇轍則議于邊境行使鐵錢用防透漏緣  
其時中外阻絕恐以內地鼓鑄之利舟車轉袞散  
外藩兢兢專事隄防規制尤為褊隘我

國家聲教遠訖無中外之判蔥山蒲海間版圖式廓  
利用宜饒始因回部普爾之制銷舊易新繼藉每

歲輸將額銅兼設官丁採取於是獻地實於金方  
飾良僇于圜府選材合治與內地司農所掌無異  
爰稽其小大肉好之形輕重銖兩之等爐局安設  
之方兵民積散之數彙力于編因以見刀貝紛羅  
市塵闐溢不減于繩行沙度之區治理倍徵廣遠  
抑<sub>臣</sub>等伏讀

御製排次回部錢文詩示懷柔之

德意戢干戈以省

躬借鑒于和親互市往轍之非殫心于鼓鑄流通新猷  
之遠且仍騰格之舊名順和通之公好被潤澤而大  
豐美固非水衡少府之常經所得盡其利賴也已

志錢法第十二



欽定四庫全書

欽定皇輿西域圖志卷三十五目錄

錢法

制式

爐局

名數

行使

欽定皇輿西域圖志卷三十五目錄

欽定四庫全書

欽定皇輿西域圖志卷三十五

錢法

制式

回部舊屬準噶爾所用普爾錢文質以紅銅為之  
制小而厚形圓掄而首微銳中無方孔當策妄阿  
喇布坦時面鑄其形背附回字噶爾丹策凌嗣立  
即易名更制乾隆二十四年西域底定更鑄錢文

初仍舊式後改如內地面鑄乾隆通寶漢字而以設局地名附于背如鑄局在葉爾羌者書葉爾羌字在阿克蘇者書阿克蘇字在烏什者書烏什字在伊犁者書伊犁字初鑄時每一普爾重二錢乾隆三十六年更定每一普爾重一錢五分三十九年更定每一普爾重一錢二分

按漢武帝時公卿請令鑄官錢赤仄一以當五官用非赤仄不得行如淳注謂以赤銅為其郭

也今回部錢用紅銅即古赤仄之意但漢則祇以赤銅為郭回錢則全用赤銅為少異耳錢有兩面漢五銖錢及唐宋各年號錢皆一面有字一面無字有字者謂之面亦謂之文無字者謂之漫亦謂之幕以其平漫而無文也其時西域之錢則兩面俱有文或作人馬之形或作王與夫人之面視今回部錢文又復有異我

朝錢式於面冠以年號於幕舊用清漢文附省名今回部

既入版圖從各省之例附彼處域名于其幕而  
正面遵用

天朝年號以彰同文之治幕文兼用回字者從其俗  
也

爐局

葉爾羌於乾隆二十五年設局以軍營備帶餘銅  
鑄錢五十餘萬易回部舊錢銷燬更鑄新錢初議  
得新錢十萬騰格即停鑄二十六年以舊錢查收

未竣酌增卯限至三十二年

奏停俟後積有舊普爾再為銷鑄三十三年續收舊錢二百六十餘騰格加至一次三十四年於烏什阿克蘇撥銅三千斤交葉爾羌鼓鑄尋議停

阿克蘇於乾隆二十六年設局以各城回民交納額銅本城伯克交納貢銅及官採銅片開鑄至三十年移設烏什其阿克蘇爐局議停

烏什於乾隆三十一年設局開鑄如阿克蘇例伊

犂於乾隆四十年設局由烏什解銅三千斤又阿克蘇喀什噶爾哈喇沙爾等城以餘糧折銅二千三百四十餘斤共五千四百餘斤開鑄為例

名數

回人稱錢為雅爾瑪克以一錢為一普爾普爾為一言文也每一普爾直銀一分初以五十普爾為一騰格後定以百普爾為一騰格直銀一兩回語謂一曰必爾二曰伊奇三曰玉聚四曰托爾托五曰



別寶六曰阿勒題七曰葉題八曰薩奇資九曰托  
科資十曰溫百曰玉資千曰明萬曰圖瑞回語謂  
溫圖瑞蓋十萬騰格也

按漢時銀八兩直錢一千緣當時銀賤錢貴之  
故今回部錢文初以五十普爾為一騰格直銀  
一兩則千錢直銀二十兩視漢時之錢約更貴  
倍有半矣入版圖後價就平減近以百錢直一  
兩則

聖朝休養有方泉貝流通充溢之概略可想見云

行使

葉爾羌開鑄之始令民以舊普爾易新錢應用舊  
普爾盡後以銀易錢自爐局移安烏什後其錢文  
由烏什按照解撥葉爾羌之銅三千斤鑄就錢文  
解送葉爾羌備用

阿克蘇烏什先後開鑄其錢文以六分散給納銅回  
民四分存官搭放兵餉又於回民六分錢內抽回十

分之二添備支餉之用其貢銅及官採銅斤所鑄  
錢文全支兵餉庫車沙雅爾喀什噶爾哈喇沙爾  
諸城每歲專遣伯克解交納額徵斤  
詳見貢賦到局即  
領回錢文分別散給回民搭支兵餉如例其不徵  
額銅處所亦得次第流通利民日用

按準噶爾部舊徵回部普爾即以回部所輸普  
爾錢文資用凡台吉新立則於錢面易名改鑄  
其法先鑄新錢一萬換易舊錢新者以一當二

旋換旋鑄舊錢銷盡乃已我

朝于新疆入版圖後葉爾羌開鑄伊始因其舊俗以  
新錢一易舊普爾二乾隆二十六年三月奉

上諭回民交納舊普爾兌換新錢原為流通新錢之地  
換收回民舊普爾宜視其力量辦理況交舊普爾二  
枚換給新錢一文以來已二三載矣諒收舊鑄新已  
可足用若仍如前例以一易二回民力恐難支于伊  
等生計無益嗣後著加恩以普爾一枚換給新錢一

文庶民力可紓而普爾亦得收獲著曉諭回民等咸  
知朕意大哉

王言誠保民如赤中外一體之至計也和通黔庶感沐  
皇仁謳歌樂利之長永享園綰之澤豈不休哉至各回  
城額徵紅銅鉛斤詳貢賦門茲不復載

御製命儒臣排次回部錢文及所有古銅錢因題以句  
庚辰

天佑西師藏大功勞徠泉府貴流通形猶騰格因其俗寶

鑄乾隆奉我同

回城既定部人以騰格輸賦將軍等請仍其舊式惟于陽面加鑄乾隆通寶以

行又驛致回中所有古錢蓋古時妻主輸餉所致因命儒臣排次之

景德開元溯所有和

親互市鑑于中篋藏詎詡聲靈邕垂德懷柔慎自躬

御製駐劄葉爾羌大臣呈覽所鑄乾隆通寶至因用排次

回部錢文詩韻紀事

庚辰

昨歲元戎奏定功早籌鼓鑄市鄜通即看大治範鎔就

仍屬司農職掌同

將軍兆忠歸為戶部尚書

寶是乾隆來自外錢殊

景德去由中

排次回部古錢時有開元景德諸錢彼用時未能臣服其地自屬中國攜往者

權子母底其貢載戢干戈省厥躬

按周官太宰以九府欵財賄注云財錢穀也又云賦口率出錢也漢律有口算人出百二十錢然第施之丁男而已唐定兩税法始以錢為惟正之供宋因之元代用鈔惟武宗時嘗一鑄錢未幾即罷故其時課入及俸給皆用銀明洪武間詔歲解稅課錢鈔道里險遠者許易銀以進正統後遂專用白金今回部以騰格輸稅蓋尚

沿唐宋之舊也開元景德古錢流傳當唐元宗  
宋真宗時以和親互市羈縻異域偶自中土攜  
往留貽至今實無當于大同之治也若乃採精  
良于絕徼仿鎔範于中朝既發新型兼排古制  
我

皇上前民利用之至意與懷柔載戢之深恩並垂千古  
矣

漢書西域傳屬賓以金銀為錢文為騎馬幕為人



面烏弋山離錢貨之屬與蜀賓同其錢獨文為人  
面幕為騎馬安息亦以銀為錢文獨為王面幕為  
夫人面王死乃輒更鑄

後漢書西域傳大秦以金銀為錢銀錢十當金錢一  
隣國使到其界首者乘驛詣王給以金錢

唐書西域傳泥婆羅鑄銅為錢面文人形背牛馬  
形

文獻通考三童常貨多用蕉越犀象作金幣文效

王之面亦效王后之面軒渠幣貨同三童阿鈎羌  
市用錢為貨利得國市易用銅錢有文漫圓徑如  
中國之制但實其中心不貫穿耳

明史西域傳巴什伯里

舊作別失八里今改正

交易用銀錢

大小三等不禁私鑄惟輸稅于酋長用印記無印

記者禁不用奇爾穆爾

舊作乞力麻兒今改正

交易用鐵錢

按西域諸國錢幣多用金銀間有用鐵者惟泥  
婆羅利得則以銅為之但中無穿孔猶是金銀

為錢之式今回部錢文即其遺式第不用金銀  
耳至如史書所紀大秦三童軒渠諸國或不盡  
屬今之西域而其鑄錢之法有可稽者爰為附  
見於此

欽定皇輿西域圖志卷三十五

欽定四庫全書

欽定皇輿西域圖志卷三十六

學校

臣等謹按西域風土剛勁性桀黠樂戰鬥囿於習  
尚教化不先又其地與中土隔絕流移僑寄所不  
及詩書羽籥之盛渺乎未有聞焉粵稽兩漢鄭吉  
班超之倫都護經年惟督率要約是務一二屯田  
郵政外修明化導事弗暇為若有唐貞觀開元間

分裂四鎮廣置羈縻州府大都虛立名號風教雖  
通地實未歸版籍間或希風慕義時遣子弟入侍  
入學而上國之衣冠禮樂卒無由移置絕徼以大  
耀於光明此學校之制宜為紀外域者所罕詳也  
我

聖朝化洽西濛宏開疆索農耕其野商出其途招徠生  
息民多秀良巴爾庫勒烏魯木齊諸境喁喁向風  
或附進額於安西三縣或開義塾於迪化寧邊二

廳固已人思振奮矣爰於建置州郡之始興學育才以彰

盛治璘璣炳蔚千古一時於焉仰數仞之

宮牆秩兩丁之彞典溢生徒於膠序儲選造於閭閻居斯土者咸雍容焉束帶結髮以佇為

國華有殊榮也已抑又思準回舊俗其記載文字竹木筆旁行之素與內地不侔而英敏秀出之姿天稟未嘗或絀且回民之舊居中土者薰習變化往

往遊鄉校登賢書亦所在多有茲際武功告成文  
教遐被之餘於商民流寓子弟有造者栽培樂育  
以為之倡將俾傾心內面之侶耳目濡染歲月漸  
摩潛移默率鼓鐘於倫之比且遍西域而同歸也  
豈不休哉志學校第十三



欽定四庫全書

欽定皇輿西域圖志卷三十六目錄

學校

安西州屬

鎮西府屬

迪化州屬

欽定皇輿西域圖志卷三十六目錄

欽定四庫全書

欽定皇輿西域圖志卷三十六

學校

安西州屬

安西州學

初為安西衛柳溝衛乾隆二年准衛屬文武童生  
就肅州應試取進文武生員附肅州學管轄八年  
於五衛適中之安西衛設衛學統轄五衛生員二

十年裁衛設安西府後改設府學三十八年改州學

文廟 乾隆二十五年建

**學官** 學正一員 乾隆八年設教授一員統轄五

衛三十八年教授缺裁改設學正如今制

按學官互見官制門後凡學官條俱互見

**學額** 廩生四名

增生四名 乾隆八年五衛共設廩增各三

名二十四年設安西府學廩生二名增生二名  
淵泉縣學廩生二名增生二名三十八年裁縣  
改府為州各併設四名如今額

歲試額進文童六名

額進武童六名

科試額進文童六名 乾隆二年安西柳溝二衛  
與赤金靖逆沙州三衛歲試取進文武生各十  
名科試取進文生十名二十五年設安西府學

淵泉縣學歲設淵泉縣取進文武生各四名撥入府學各二名科試取進文生四名撥入府學二名三十八年裁縣改府為州併歸州學如今額

玉門縣學

初為赤金衛靖逆衛 乾隆二年准衛學文武童生就肅州應試取進文武生員附肅州學管轄八年設衛學二十四年裁衛改玉門縣設縣學

文廟 乾隆二十五年建

學官訓導一員 乾隆八年赤金靖逆二衛文武  
生員統歸衛學教授管轄二十四年設訓導如  
今制

學額廩生二名

增生二名 乾隆八年五衛共設廩增各三  
名二十四年設玉門縣學分設廩增如今額

歲試額進文童六名

額進武童六名

科試額進文童六名 乾隆二年亦金靖逆二衛  
與安西柳溝沙州三衛歲試取進文武生各十  
名科試取進文生十名二十五年改縣學歲試  
取進文武生各四名撥入安西府學各二名科  
試取進文生四名撥入安西府學二名三十八  
年歸併縣學如今額

敦煌縣學



初為沙州衛乾隆二年准衛屬文武童生就肅州  
應試取進文武生員附肅州學管轄八年設衛學  
二十四年裁衛改敦煌縣學

文廟 乾隆二十五年建

**學官**訓導一員 乾隆八年沙州衛文武生員統  
歸衛學教授管轄二十四年設訓導如今制

**學額**廩生二名

增生二名 乾隆八年五衛共設廩增各三

名二十四年設敦煌縣學分設廩增如今額

歲試額進文童六名

額進武童六名

科試額進文童六名 乾隆二年沙州衛與安西

柳溝赤金靖逆四衛歲試取進文武生十名科

試取進文生十名二十五年設縣學歲試取進

文武生各四名撥入安西府學各二名科試取

進文生四名撥入安西府學二名三十八年歸

併縣學如今額

鎮西府屬

鎮西府學

初為巴爾庫勒廳准廳屬文武童生赴肅州考試  
乾隆三十八年裁廳改設鎮西府後始設府學  
文廟 乾隆三十八年建

學官教授一員 乾隆三十八年設

學額廩生增生現缺

歲試額進文童三名

額進武童三名

科試額進文童三名 乾隆三十八年設府學後

所屬宜禾縣撥入二名哥臺縣撥入一名共如

今額

宜禾縣學

初為巴爾庫勒廳制同前乾隆三十八年裁廳改

宜禾縣後改縣學

文廟 乾隆三十八年建

學官訓導一員 乾隆三十八年設

學額廩生增生現缺

歲試額進文童四名撥入府學二名

額進武童四名撥入府學二名

科試額進文童四名撥入府學二名 舊附肅州

考試取進無定額乾隆三十八年設縣學後取

進如今額

奇臺縣學

初為巴爾庫勒廳乾隆三十八年改設宜禾縣制  
見前四十一年分宜禾西境為奇臺縣設縣學

文廟 乾隆四十一年建

學官訓導一員 乾隆四十一年設

學額廩生增生現缺

歲試額進文童四名撥入府學一名

額進武童四名撥入府學一名

科試額進文章四名撥入府學一名 舊附肅州

考試取進無定額乾隆三十八年歸宜禾縣學額四十一年設奇臺縣學後取進如今額

**考試事宜**初制陝甘學政按臨肅州之前密封試題行鎮西府並巴爾庫勒道局試乾隆四十一年巴爾庫勒道移駐迪化州改鎮迪道即行鎮西府局試四十四年改由學政將試題封送駐防大臣同鎮迪道考試卷封送學政按額取進武童外

場初由巴爾庫勒道會同巴爾庫勒鎮考試四十一年改由鎮西府會同考試四十四年改由駐防大臣同鎮迪道考試分別等次造冊同內場試卷送學政按額取進

按鎮西府自乾隆二十六年後駐防兵丁招徠戶口生齒滋繁觀文講射者日衆於三十八年照迪化寧邊兩廳之例專設學校定額遴選如制其廩增名額俟人文盛日再為議定



迪化州屬

迪化州學

初為天山北烏魯木齊地乾隆二十五年置迪化廳三十四年設廳學三十八年裁廳改為直隸州設州學

文廟 乾隆三十八年建

學官 學正一員 乾隆三十四年初設廳學文武

生員歸迪化廳管轄三十八年改州學後設學

官如今制

學額廩生增生現缺

歲試額進文童四名

額進武童四名

科試額進文童四名 乾隆三十四年設廳學定

額取進三十八年改州學後如舊額

昌吉縣學

初為天山北昌吉地乾隆二十五年置寧邊廳三

十四年設廳學三十八年裁廳改為縣設縣學

文廟 乾隆三十八年建

學官訓導一員 乾隆三十四年初設廳學文武

生員歸寧邊廳管轄三十八年改縣學後設學

官如今制

學額廩生增生現缺

歲試額進文童四名

額進武童四名

科試額進文章四名 乾隆三十四年設廳學定額取進三十八年改縣學後如舊額

阜康縣學

初為天山北特納格爾地乾隆二十五年屬迪化廳三十八年屬迪化州四十一年分置阜康設阜康縣學如今制

文廟 乾隆四十一年建

學官訓導一員 乾隆四十一年分置縣學後設

學官如今制

學額廩生增生現缺

歲試額進文童四名

額進武童四名

科試額進文童四名 乾隆三十四年設迪化廳

學額後即於額內取進四十一年分設縣學始

定如今額

綏來縣學

初為天山北瑪那斯地乾隆二十五年屬寧邊廳  
三十八年屬昌吉縣四十四年分置綏來縣設縣  
學如今制

文廟 乾隆四十四年建

學官訓導一員 乾隆四十四年分置縣學後設  
學官如今制

學額廩生增生現缺

歲試額進文章四名

額進武童四名

科試額進文童四名 乾隆三十四年設寧邊廳  
學額後即於額內取進四十一年分設縣學始  
定如今額

**考試事宜** 初制陝甘學政按臨肅州之前密封試  
題行鎮迪道扁試乾隆四十四年改由學政將試  
題封送駐防大臣同鎮迪道扁試試卷封送學政  
按額取進武童外場均由駐防大臣同鎮迪道考

試分別等次造冊並內場試卷封送學政按額取進

按迪化州昌吉阜康綏來諸縣舊為烏魯木齊  
昌吉特納格爾瑪那斯諸城乾隆三十二年因  
携駐眷兵招徠民戶中俊秀輩出各城分設義  
塾延師訓課兼習騎射兵民踴躍造就多人三  
十四年初設迪化寧邊兩廳學三十八年設迪  
化州學昌吉縣學四十一年設阜康縣學四十



四年設綏來縣學以兩廳學取進原額歸迪化  
昌吉兩學阜康綏來兩學復加額取進以符體制  
其廩增名缺俟人文加盛時再為議設

**北史高昌傳**有毛詩論語孝經置學官弟子以相  
教授

**馬端臨文獻通考**漢明帝時期門羽林之士悉令  
通孝經章句匈奴亦遣子入學濟濟乎洋洋乎盛  
於永平矣唐太宗時高麗百濟新羅高昌吐蕃諸

國酋長亦遣子弟請入國學於是國學之內八千餘人中宗神龍時詔蕃王及可汗子孫願入學者附國子監讀書

按古者九州以外教化弗宣規制斯畧漢唐駕馭羈縻規模稍遠而通絕不常猶是分土分民之舊未聞建置學官是以紀載闕如遡稽曩史惟遣子弟入學讀書間見於漢永明唐貞觀神龍朝未能多數若高昌置學官弟子相教授亦

僅粗知誦繹蓋緣殊方風教不齊中土士民鮮  
有居遊其地移身家以長子孫者經營邊境之  
役方從事戰鬪行伍耕田畜牧之不暇何有於  
絃歌講肄乎茲當西域涵濡

聖化之餘中外一家版戶鱗集學校與州郡並建莘莘  
俎豆濟濟生徒視內地無異近復蒙

恩體恤周至凡應鄉會試諸生照邊省例許給驛馬赴  
考昨歲丁酉秋闈早有以迪化州通籍歌鹿鳴

而來者由是感激奮興科第蔚起固北庭西海  
之間伊古未逢之隆軌也已

欽定皇輿西域圖志卷三十六